



LOU TROUBADOUR NATIONAOU, VO LOU CHANTRÉ TARASCOUNEN.

**Récueil dé Pouésiou Poulitiquou, Bachiquou, Pastouralou, etc...,
En vers prouvençaou.**

Per Jh. DÉSANAT Fils.

Tomou Proumié.

1831

Invoucatioun à ma Musou.

Air: l'Hermite du hameau voisin, etc...

Musou, tu qu'as lou gran talen
Dé saoupré inspira dé mervéyou,
Vèné escooufa per toun halen
Leis simplé produit dé mei véyou.

Leis accablés pas dé rudour;
Dé grâçou cèdou à meis instançou;
Sieou qu'un naturéou troubadour,
Aï bésoun dé toun assistançou.

Din un tem, plénou dé fierta
M'as fa coumettré d'imprudençou,
Per canta nosti liberta,
Moun civismé et l'indépendençou;
Rendé mé moun anciennou ardour,
Abusès pa dé ma coustançou:
Sieou qu'un naturéou troubadour,
Aï bésoun dé toun assistançou.

Pégasou, coursié tro fougous

Ben souven m'a planta d'esquinou;
D'estré émé tu, trové dé gous
Quoiqu'as lei manièreou couquinou;
Dé mei vers chassou la tiédour,
Musou, en'aquestou circounstançou.
Sieou qu'un naturéou troubadour;
Aï bésoun dé toun assistançou.

Ah! restés pa sourdou à ma voix;
Dé moun récueil faï la triayou,
Tou cé qué n'es pas dé toun choix
Faï n'en unou grossou curayou.
Nétéjou toutou la fadour,
Ajustou yé dé counsistançou;
Sieou qu'un naturéou troubadour;
Aï bésoun dé toun assistançou.

Ranimou sensou balança
Moun esprit, mei forçou et ma vervou;
Puisqu'en public me vas lança,
Per yeou agues pus dé réservou,
Sieou franc, té parlé émé candour,
M'amé pa douna d'impourtançou;
Sieou qu'un naturéou troubadour,
Aï bésoun dé toun assistançou.

HOUMAGÉ OOU CÉLÈBRÉ BÉRANGER. 1823.

Air: A ma cocarde si jolie, etc...
Leis cansouniés parfè moudèlou,
Rénouma din tou l'univers,
Un dé tei partisans fidèlou,
T'adréyssou aquesti simplé vers;
Volé gléna dessu tei traçou,
Sieou ben yeun d'estré toun rivaou.
Tu qué sies l'ami dou Parnassou (bis)
Faï mé mounta su toun chivaou.

Unou démangésoun secrètou
Maougra yeou mé forçou a canta,
Et din moun ardour indiscretou
Voudrieou même t'imita;
Coumou tu sieou rampli dé zèlou
Per lou bonhur dé ma natioun;
Détesté touti lei Villèlou, (bis)
Chérissé la counstitutioun.

Dé din lei villou et lei villagé
Tei couplets trovoun bon accueil;
Ya pa jusqu'ouou mendré meinagé
Qué n'en poussèdé toun récueil.
Ta vervou plénou dé géniou
Trouvara toujou dé lectour,
En despié dé la caloumniou, (bis)
N'ououras jamaï d'imitatour.

Vourrieou célébra la mémoirou,

S'avieou tan d'esprit coumou tu,
D'aquelli qué per nostou gloirou
Penden vingt ans sé soun battu.
“ N'aï jamaï din moun escritourou
“ Mescla ni grec, ni latin,
“ Sieou escouyé dé la naturou, (bis)
“ Maï noun pa deis ignourantin.

Teis ennémis, plen d'assurançou,
Crésien d'abouli tei cansoun;
Tandis qué din toutou la Françou
Lei cantavian à l'unissoun.
A ta gloirou resplendissentou,
Vouguèroun yé beouré l'halen;
Maï la nation récouñissentou
Saou récoumpensa lou talen. (bis)

Dé nosteis afama ministré
Signalou toujou leis abus,
Afin qué seis acté sinistré
Posqu'oun pas servi dé cabus,
Poursuivé ouussi dé la pouliçou,
Leis vexatiouns et leis eccès; (bis)
L'ouupénioun, maougra sa maliçou.
Décidara dé toun proucès.

Escusou moun sincèré houmagé
Sé té l'adreyssé en vers patoi,
Aï ouussi din aqueou lengagé
Ploura lou gran généraou Foy.
Sé ma Musou té paréi fadou,
Sé yé troves trop dé ressaou,

S'a meis flours ya ges dé pensadou; (bis)
Pardounou mé, sieou prouvençaou.

Prouvençaou; aqueou mot t'esfrayou,
D'avançou l'avieou ben prévis.
Mé vas diré qué la canayou
A déshounoura moun péys;
As résoun..... Maï l'indépendençou
N'a pa tout à fè déserta,
Et lei très quarts dé la Prouvençou (bis)
Vivoun qué per la liberta.

LEIS ABUS DÉ LA RESTOOURATIOUN. 1824.

Air: Halte là, la garde royale est là, etc...

Desempiei long-tem la Françou
Gémit, sé plan dé soun sor,
Dé vieourré din l'espérançou
Gnia qué disoun qu'aven tor,
Car la gloirou et lou coumerçou,
Nous an déjà di bonsoir,
Pourtan caouquourren nous berçou,

Et nous dit aguen d'espoir:
Anen plan,
Anen plan,
S'es pas veuy, sara déman.

Ooujourd'heuy lei pu haou gradou
Sé gagnoun din lei saloun;
Et lei bravé dé l'armadou,
Lei décoroun d'un galoun.
Desfensours dé la patriou,
Sé sia pa lou mens Baroun:
Din quinge ans dé théouriou
Ooures gagna dous chévroun.
Anen plan,
Anen plan,
S'es pas veuy, sara déman.

Dei Jésuitou la séquellou,
Cessou pas dé réclama,
Grâçou oou bon moussu Villèlou,
Soun tisoun s'es ralluma.
La léy su lou sacrilègé
Leis à toutis transpourta;
Maï toutis seis privilègé,
Ya long-tem qu'an déserta.
Anen plan,
Anen plan,
S'es pas veuy, sara déman.

La liberta dé la pressou
N'a pus dé difficulta,
Dé cé qué nous intéressou,
Légissen la vérita;
Sian poussessour d'unou Chartou
Qu'es juradou per lou Réy.

Et sé caouqu'un s'é n'escartou
Pourrian yengipa la léy.
Anen plan,
Anen plan,
S'es pas veuy, sara déman.

La sessioun es maï ouvertou;
Lei jours dé Foy soun fini;
Ami plouren pus sa pertou
Puisqu'aven Sébastiani;
Maougra touti lei Cabalou,
D'un ministèrou impourtun,
Din la Chambrou natiounalou
N'intrara toujours caoucun.
Anen plan,
Anen plan,
S'es pas veuy, sara déman.

Emdamnisoun dé coumpèrou
Qué n'an maï qué cé qué foou,
Ei soou dar qu'an dé misèrou
Yan pancarou douna un soou;
Lei très per cen avien vogou,
Déjà sé nen parlou pus;

Disoun qué lei gros chin dogou
Yan déjà sussa lou jus.
Anen plan,
Anen plan,
S'es pas veuy, sara déman.

Unou coumissioun s'occupou
Dé la léy per leis eyna,
Sé passou, youra dé dupou,
Et d'enfans riché rouïna;
Paouri Cadet dé famyou
Din caouqué tem yé sarés,
Vous couvriran d'infamiou,
N'en sourtrés pas quan voudrés.
Anen plan,
Anen plan,
S'es pas veuy, sara déman.

Per millou et millou artificé,
Serquoun dé troumpa lou Réy;
Espéroun l'instan proupicé
Dé cent lègou aquo sé véy;
Maï la Chambrou héréditèrou,
Voou la counstitutioun;
En despié doou ministèrou

Proutéjara la natioun.
Anen plan,
Anen plan,
S'es pas veuy, sara déman.

Viren pus dé counfiançou,
Ni coumerçou, ni travaï,
Qué noun la santou alliançou
Ségué roumpudou à jamaï;
S'aquo es, nostou patriou
Flourira dé toutou parts;
Viren naïssé l'industriou,
La gloirou, émé lei béous arts.
Anen plan,
Anen plan,
S'es pas veuy, sara déman.

LA MORT DOOU GÉNÉRAOU FOY, En Octobré 1825.

Air: Comment goûter quelque repos.

Francès, gémissen din lei plours,
Foy ven dé fini sa carrièrou.
Hélas! la dayou meurtrièrou
A trancha lou fieou dé seis jours.
O mort, vaqui doun toun ouvragé!
Sensou piéta l'as abattu,
Dévics respecta seis vertus,
Seis talens et soun gran couragé.

La nouvellou à pénou sé soou,

La Françou entièrou es d'in l'allarmou,
Seis amis et seis frèrous d'armou,
En gémissen prénoun lou doou.
Dé partout lou crespou funèbré
Anouço la counsternatioun.
O qué malheur! per ma natioun,
Dé perdré un hommé tan célèbre.

Viey sooudar, qué vas dévéni,
Coumou suppourtaras la vidou,
Et tu malhérous invalidou,
Hélas! tei béou jours soun fini.
Lou rémèdi dé teis souffranço,
Toun soustien, toun pèrou, toun dieou,
Nous à fa soun dernier adieou,
Maougra lei régret dé la Françou.

Noun, jamai rés oublidara
L'importanço dé seis servicé,
Din sei libéraou sacrificé,
Seis ennémis l'an admira,
Dei paouré accabla d'infourtounou,
Erou lou pus fermé rampart,
Es toujours per prendré sei part
Qué lou vésian à la tribunou.

Despiei qu'es parti à jamai,
Semblou qué la Chambrou es désertou.
Seis coullègou plouroun sa pertou,
Vésoun la faoutou qué yé fai.
L'arbitraré qué ten lei rénou,
Din eou vésié soun basilic
Ourié per lou bonheur public
Versa tou lou sang dé sei vénou.

Ya pus d'espoir, foou nous quitta.
Adieou, as proun fa per l'histoirou,
T'en vas, tou rayounan dé gloirou
Répoousa din l'éternita.
Adieou, oumbrou prédestinadou,
Adieou, Députa générous,
Ben léou dédin lei chams hérous
Teis vertus saran courounadou.

**ÉLOGÉ DÉ LA CHARTOU COUNSTITUTIONELLOU
JURADOU PER LOUIS XVIII.
1825.**

Air: Trouverez-vous un parlement.

Salut, mounumen éternel,
Esfraï dé la viéyou noublessou,
Un jouiné counstitutiounel
Té vai canta sensou féblessou,
Quan passés per ignouren
Ou per avé perdu la cartou,
Moun plan es taou, ren mé fai ren,
Foou qu'en patoi canté la Chartou.

La Chartou es un présen dei dieou;
Lou souverain dîn sa sagessou,
En régnen, n'a ren fa dé mieou,
Emigra nou l'avié proumessou;
Minervou, es tu qu'as inspira
Aquellou sublimou pensadou.
Nous avié proun fa souspira
Jamaï sara plus renversadou.

Sé l'aguessés vingt ans pus léou,
O Françou! ma chèrou patriou,
N'ouyés jamaï vis lou souléou,
Qu'écléra tan dé zinzaniou,
Quan tei viey guerrié sé batien
Em'unou bravourou tan rarou,
Erou per gagna sé poudien
La Chartou qué possédén arou.

Aqueou pacté fundamentaou
Qu'en nayssen termina la guerrou,
Davan la léy nou ren égaou
Ou proumié noble dé la terrou;
Maï cé qué malhurousamen
Erou istadou maou observadou,
Sien hérous qué d'aqués moumen
Leis électioun nou l'an souvadou.

Françou dé ta Counstitutioun
Toutou l'Europou n'es jalousou,
Passés per estré unou natioun
Dei pus bravou et dei pus hurousou.

Provou yé doun la vérita,
Coumou aoutri fes servé d'exemplé,
Et qué din ta prouspérita
L'univers entié té countemplé.

A soun ancien dré féodaou;
Lei noblé nou vourrien counduiré
Coumou cerf ou coumou badaou,
Avien jura dé nous réduire;
Sé n'en soun prés un poou tro tar.
Counnisen touti sei manièrou,
Lei plu simplé yé vésoun clar,
Sian din lou sièclé dei lumièrou.

L'homme a déjà gousta lou frui
Qué brisou touti seis entravou,
Malheur.... Sé sé vésié réduit
Dé maï vieourré coumou un esclavou,
Sé vouya lou rendré geina,
Faya la pus grandou imprudençou;
La Chartou la désencheina,
Veuy, counei qué l'indépendençou.

Tranquilisen-nous tan qu'ouren
Unou impartialou justiçou,
La léy en man, lei bravaren,
Quan aguessoun maï dé maliçou,

Ya longtems qué soun averti,
Qué crignen pus lou despotismé,
La Chartou saou nous garanti
Dé la furour dou fanatismé.

Francès séguen toujours uni,
En despié même dei Jésuitou,
Et sé lei voulen ben puni
Ténen une bellou counditou;
Citouyen, idolou dei léy,
Dé tu jamai l'hounour s'escartou,
Sies libré, respectou toun Réy
Et té proutégeara la Chartou.

MA PROUFESSION DÉ FÉ 1825.

Air: Du haut en bas, etc...

Sieou libéraou,
D'aqueou titré mé n'en foou gloirou,
Sieou libéraou,
Sieou ni troumpur, michant, ni faou,
Ren mé plaï tan coumou l'histoirou
Dé nosti bravé dé la Loirou,
Sieou libéraou,
Sieou libéraou.

Sieou libéraou.
Légissé pas la Quoutidiennou,
Sieou libéraou,
Chérissé lei courrié légaou
M'abeouré pas din seis antiennou,
Es trop cafardou la vaurriennou,
Sieou libéraou,
Sieou libéraou.

Sieou libéraou,
Vivé pa per l'ancien régimé,
Sieou libéraou,
Brulé pas d'avé lou mourraou,
Volé qué cé qu'es légitimé,
Tout aoutrou caousou m'es un crimé,
Sieou libéraou,
Sieou libéraou.

Sieou libéraou,
Quoiqu'habitan dé la Prouvençou,
Sieou libéraou,
N'äi jamai souhéta lou maou,
Entré lou Rosé et la Durençou
Germou d'hounour, d'indépendençou,
Sieou libéraou,
Sieou libéraou.

Sieou libéraou,
Détesté lou vraï fanatismé,

Sieou libéraou,
Abhorré lei Réy dei caraou,
Aï en hourrou lou despotismé,
Lei tartufou et l'absolutismé,
Sieou libéraou,
Sieou libéraou.

Sieou libéraou,
Amé l'escolou mutuellou,
Sieou libéraou,
Un enseignamen mé fai gaou.
Per eou la jouinessou acurellou,
Un jour sara spirituellou,
Sieou libéraou,
Sieou libéraou.

Sieou libéraou,
Amé soulagea l'indigençou,
Sieou libéraou,
D'estré fran vaqui mon défaou,
Oouraï toujours dé répugnençou,
Per lou crimé et per la vengençou,
Sieou libéraou,
Sieou libéraou.

Sieou libéraou,
Mesprésé l'homme qué variou,
Sieou libéraou,
La Chartou es moun soulet miraou,
Amé la gloirou et l'industriou,
Dieou, l'hounnour, moun Réy, ma patriou,
Sieou libéraou,
Sieou libéraou.

LA DISCRÉTIOUN.

ROUMANÇOU.

Air: A mes dépens est-ce que vous voulez rire, etc...

Rousettou, la bellou masièrou,
Thoumas l'amavou à la foyé,
Dé la véyré qu'érou tant fièrou,
Yé cachavou cé qué vouyé,
Tout soun cor dé joi palpitavou,
Chaque jour en la rescoutren,
Tou bonnamen la saludavou,
Dé soun amour jamaï gnen disié ren. (bis)

Rosou érou fresquou, jouinou, poulidétou,
N'avié pa maï dé ségé ans et démi,
Em'aquel agé unou tendrou fyétou
Désirou pus qu'un charman bon ami,
Lou béou Thoumas vousavou pa ren diré;
Ellou vivié toujours en espéren,
Soufrissien touti dous lou martiré,
Lei dous badaou jamaï n'en disien ren. (bis)

Un jour soun capéou su l'ouriou,
Rousettou vénié dé soun mas,
L'enfan malin qu'es rempli d'industriou,
Din lou camin fai arriva Thoumas;
En l'ou vésen, aï, Rousettou s'esfrayou,
Soun tendré cor ven casi tou mouren,
Vougué fugi dédin un aoutrou drayou,
L'amour tout bas yé dit n'en fagues ren. (bis)

Lou même fio qu'embrasavou Rousettou,
Brulavou aoussi lou cor dé soun aman;
Van touti dous ou foun d'unou soouzétou,
Counfoundré aqui l'amour lou pu counstant.
Fyou qu'avé dé passiou indiscrètou,
Rassura-vous, sé l'amour vou suspren,
Fugues toujours et counstantou et secrètou,
N'en parles pa, et res nen saoubra ren. (bis)

SATYROU DIRIGEADOU CONTROU UN VEOUSÉ.

Cansoun de Carnaval.

Air: De la Palatine, etc...

Couinessou, vité courrè léou,
Approucha-vous de la carrétou,
Sus un sujet pa ben nouvéou
Entendres unou cansounétou,
Nous proupousen dé critiqua
Un veousé émé sa bonnou amigou,
Lei démarchou qu'a pratiqua,
Ainsi qué touti seis intrigou.

Erou un vieyar plen dé foyé
Qué brulavou per lou mayagé;
Per mies trouva caou yé foyé,
Battié lei villou et Iei villagé,
Vaï à San-Gillé, es pas hérous,
En daotr'endré la mêmou caousou,
Coumou un véritablé amoureux,
Troutavou sensou ges dé paousou.

Quan counsultavou seis amis,
Cé qu'èrou souven sa coustumou,
Yé disié podé pus dormi,
Désempiei que naï ges dé fumou,
Sé l'implacablé dieou d'amour,
Oou men, mé nen mandavou unou,
Mé cryeou din aqueou béou jour
L'enfant chéri dé la fourtunou.

Enfin lou pichot cupidoun.
Lou counduigné dédin Béoucayré,
Aqui din un tendré abandon,
S'anounga coumou un calignayré.
Trovou un poutagé recooufa,
Qu'à bras ouuver lou désiravou,
L'afayré ouussi fuguè léou fa,

Soun hymen naguè pus d'entravou.

Per complayré soun viey tendroun,
Yoorié douna sa vidou entièrou,
Yé fai présen d'uni béou roun,
Janettou, cheynou et jarrétierou,
Passavou lou pont nieuch et jour
Per rénovella sa tendressou;
Fiellavou lou parfait amour,
Chasqué soir émé sa mestressou.

Cépendan lou chabalalin,
Lou soir attiravou la foulou,
Lei ménaçou doou bioou charrin
Fasien ren à la farandoulou;
Piroou, sartan et cascavéou,
Campanétou et vieyou sounayou,
Yavien fa soouta lou cervéou,
Tratavoun touti dé canayou.

Béou jour qu'ères tant désira,
As mes dé sang dédin sei vénou,
Amour, l'as proun fa souspira,
Es tem qu'adoucigues sei pénou;
Counduisé lei din soun rédui,
Dé soun yé mounstrou yé la traçou,
Qué din noou mes un nouveou frui
Venguè multiplia sa raçou.

LOU TRIOUMPHÉ DEI CASQUETTOU.

**Cansoun cantadou per la proumièrou fes,
lou dimar gras a veuch hourou dé soir, din un chabrioou.
1825.**

Air: De la palatine, etc... ou Femme, voulez-vous éprouver.

Dé tou tem ses fa dé cansoun,
Su lei veousé et lei couturierou;
Souven en douna dé leiçoun,
Ei jouinou fyoun en paou trop fièrou,
Bellou aqest an n'agués pas poou,
S'escouta nostou cansounettou,
Sian mounta dédin un charioou,
Qué par célébra lei casquettou.

Lei gran et lei prince dé cour
Nan quan voyageoun en voitourou,
Nen vésen pourta tour à tour
Enjusqu'à la magistraturou;
Enfin din touti lei pays,
Din leis hotels, din lei guinguettou,
Despiei Pékin jusqu'à Paris,
Tout l'univers portou casquettou.

Aqueou geanré es toujours nouveou,
Ségoun dé drap, loutré ou prunellou,

Sayé qué dé péou dé caméou,
Unou casquettou es toujours bellou,
Aqueou couifagé chasqué jour
Charmou nosti jouinou grisettou,
Sian ségur d'avé sei favour,
Tant qué mettren nosti casquettou.

Parlen dei casquettou d'estieou,
D'aquellou couïfurou tan lestou,
Jamaï trovaren ren dé mieou
Per évita lei maou dé testou.
Lou mes d'aous, quan fai tan caou,
Nosté tieoullé nou sert d'oumbrettou,
Sé sian pas pu souven malaou,
Lou duven à nosti casquettou.

Un certen noum yavien douna,
Per nen abouli l'habitudou;
Disien qu'éroun à la Mina,
O gran Dieou! quintou plitudou!

La politiquou en pareil cas
N'influou pa su la toilletou,
Sensou nou desrengéa d'un pas
Pourtian toujours lei casquettou.

Presqué din tou lou Lengado,
Agarissien lei grand visièrou,
Dounavoun d'argen ei picho,
Per crida tieoullé per carrièrou;
Maï à Nîmes lei pus mutin,
Passéroun dessu la sellettou;
Lei tieoullé prendran jamaï fin,
Et lei pourtaren ei casquettou.

Capéyé calmou teis excès,
Critiques pus aquellou modou,
Jamaï gagnaries toun proucès,
Lei casquettou soun tro coumodou,
Tei bas capéou à tres per cen,
Qué veuy portoun à l'étiquttou,
Fouu l'avoua soun ben villen,
Aquo voou pa nostei casquettou.

Messieus, blamés pa la cansoun,
Tan pis sé vous a pa fa riré,
Es bastidou d'unou façoun,
Qué certou ya proun à rédiré,
Aquo pouden pas l'empacha,
Aoussi touti fassen bouquettou,
Coumou ici voulen res facha,
Bounsoir, vous léven la casquettou.

RESPNSOU A UNOU MESQUINOUCRITQUOU

**Qué fuguè adreissadou ei jouini cen qué cantèroun la cansoun
dei casquettou, per unou souciéta brouyadou émé la sieounou.**

Air: Buveurs, répondez à ma lyre, etc...

Su l'air d'unou cansoun dé taoulou
Vous anen canta siei coublet;
Avez proun garda la paraoulou,
Es ten qué nous cèdes lou let;
Pourtan nous sentrian counciençou
D'empluga lou mendré talen;
N'es pa bésoun d'avé dé sciençou
Per counfoundré leis ignouren.
Agues pas l'air dé vous mettré en coulèrou,
Un jour saren amis béléou coumou dé frèrou.
En attenden fasè lei mort,
Digues pus ren, car sabè qu'avez tort.

Arou lou prendren per coustumou,
Hardi! couragé! fouou canta;
Senten nostou ardour qué s'allumou
Per diré vosti vérita.
Vostou cansoun assassinadou
N'a pas l'oumbrou doou sens coumun,
Partout mounté l'avè cantadou,
Avez passa per d'impourtun. (bis)
Agues pas l'air, etc...

Calma vosté bouyen déliré,
Avez déjà trop pres d'humour,
Car tou cé qué pourria nous diré
Es tout à vosté déshounour;
S'aven agi dé tallou sortou,
Crésé qué l'avez ben vougu;
Sé vous aven mes à la portou,
Aquo vous èrou trop dégu; (bis)
Agues pas l'air, etc...

Quan fouyé moulla dé mounédou,
Tiravia lou quieou en arrié,
Vostei boursou èrou jamaï rédou,
Avia récoures ouou trésourié;
Coumandavia costé qué costé,
Eria dei proumié per blaga,
Maï souven la pochou dé l'osté
Erou fourçadou dé paga. (bis)
Agues pas l'air, etc.

Es doun la cansoun dei casquettou
Qué vous fai faire dé fouyé,
Touti lei soir à la buvettou,
Signala vostou jalousié.
Nous aoutré la trouven moudestou;
Puisqué lou sujet vous desplai,
La cantaren à tuou testou
Per vous rendré encarou pus lai (bis)
Agues pas l'air, etc...

O tu qu'as fourma la cabalou,
Parlou, respoundé s'as résoun,
Vouyés mestrégea din la salou;
Tei voulé soun pus dé sésoun.

Vouyes t'empara dé la massou,
Crésies dé nous métré dédin,
Counissian touti tei grimaçou,
Per nous aoutri sies pa proun fin. (bis)
Agues par l'air dé vous métré en coulèrou,
Un jour saren amis, béléou coumou dé frèrou,
En attenden fasè lei mort,
Dignes pu ren car sabè qu'avè tort.

MEI VËU PER MARGARIDETTOU.

Air: Din qu'un pragoun près doou villagé, etc...

L'aoutré jour din unou soouzettou,
Oouprè d'un rousié tout en flours
Cantavé dessu ma muzettou:
Margaridettou meis amours,
Pourvu qué mé sègué fidellou,
Désieou d'un toun ben amoureux,
Coumou lei soun lei tourtourellou, (bis)
Alor yeou mé creyraï hérous.

Volé pa vanta sa figurou,
Volé pa vanta seis béous yeux,
Ni maï l'élégantou couïfurou
Qué yé ser dé bounet dé nieux.
En la sachen tan poulidettou,
Saraï pas tranquillé un moumen,
Jusquou qué ma Margaridettou (bis)
Partagé mei bon sentimen.

Un jour per lou noux doou mariagé,
Béléou oubtendraï caouquourren;
Alor dédin nosté meinagé,
Faren la pleujou et lou beou tem;
Counten, dedin ma cabanettou,
Sensou crentou, sensou doulour
Poussédarai Margaridettou (bis)
Oouraï soun cor et soun amour.

MOUN PICHOT CASTEOU EN ESPAGNOU.

Dédia à moun ami Pousin, lou nébou.

1825.

Air: Trouverez-vous un parlement, etc...

Désiré désempiey long-tem
D'habita dédin la campagnou,
Res coumou yeou sarié counten,
S'avieou un mas din la mountagnou;
Entré Loouradou et San Grabie,
Cassayeou dé plusieurs manièreou;
D'apéou, d'oousséloun, dé gibié,

Noouyeou toujours din ma vouyèrou.

Mé bercé din aquel espoir,
Mai la fourtounou es infidellou,
Yé pensé doou matin oou soir,
Surtout doou tem deis ourindellou;
Passayeou dé moumen charman
Dédin la sésoun printanièrou;
Vésin émé moussu Rouman,
Oouyeou coum'eu unou vouyèrou.

Lei cayou émé leis ourtoulan,
Et l'allouettoun délectablé,
Lei nourrieou siey mes dé l'an,
Et ségur sayen présentablé;
Gardayeou d'aquellis ousséous
Per d'oucasious particuyèrou;
Leis amateurs dei bon mouçéous
Soourrien lou gous dé ma vouyèrou.

Cassayeou eis ousséou d'hiver
Dédin unou bonnou cabanou,
Tachayeou d'estré ben couver,
Per pa senti la trémoutanou;
Prendrieou lignotou et quinsar,
Sérin, verdet, tridou-rouquièrou;
Dé chiq, de roussetou et favar,
N'ourrieou toujours din ma vouyèrou.

Consacrayeou caouqui lési,
Surtout quan lou tem sayé nivou,
A tira dé cop dé fusi
Ei fin rasclé, tou coumou ei grivou;
Lapin, bécassoun, perdigaou,
Tan ben mourdrien la poussièrou,
Aquo dounayé dé répaou
Eis habitans dé ma vouyèrou.

Souven unou lignou à la man,
Tout dé long dé la gran Roubinou,
Pescayeou lou cabo grouman,
L'escarpoun pétayé d'esquinou;
Lou soir ém'un bon courbouyoun,
Régalayeou ma chambrièrou,
Tandis qué meis gaïs oussellouns.
S'engrissayen din ma vouyèrou.

Coumpousayeou caouqui cansoun,
Dé moun mas fayeou moun Parnassou,
Piey coumou un ségoun Roubinsoun,
Vieourrieou qué dé pesquou et dé cassou.
A meys amis yé dounayeou
La rétiradou houspitayèrou,
Et per lei régala doou mieou,
Zoou piquayeou din ma vouyèrou.

Souven din lou simplé rédui
D'un jardin fa per la naturou,
Yé goustayeou l'excen frui
Que l'on trouvo din la lecturou,

Din Boileau, Voltairou, et Rousséou,
Corneillou, Racinou, et Molièrou,
Ye tryayeou caouqui counséou,
Per fai dé vers à ma vouyèrou.

Sé lou sort proutéjou mei jour,
Sé lou destin voou mé sourriré,
Serquarai un pichot séjour,
A l'endré mounté lou désiré,
Dirai adieou à meis amis,
Oou grès finiraï ma carrièrou,
Vendraï que per serqua dé mis,
Per entréténi ma vouyèrou.

ENVOY A MOUN AMI CÉSAR DIDIER.

Air: Des tremblans.

O César, es doun à diré
Qué sies nascu qué per riré,
Ya ben long-tem qué t'admiré
Din ta noblou pousitioun;
Sies libré dé ta persounou,
Maï oussi chascun s'estounou
Qu'à toun agé unou poupounou
Fixé pas teïs attentiou. (bis)

Quan té vésé fai ribotou
Emé tei coumpatriotou,
Per pa prendré la sagnotou,
Quoiqué buves coum'un traou,
Agues toujours din tei pochou,
Dé bonbon vo dé briochoou,
Tan qué faras de bambochoou,
Lou vin té fara pas maou. (bis)

T'ères mes din lou coummerçou,
As agu proun dé traversou,
Maï veuy lou plési té berçou,
Pensou qu'à té déverti;
Leissou dé cousta lei granou,
Penses pus à la soutanou,
Esculapou et la chicanou,
Grâçou à dieou nen sies sourti. (bis)

O favouri dé Bellonnou,
Qu'avè fourma la coulonnou;
Et tu immourtel Cambronou,
Qu'as défia lei hasar,
Per vostey rarou victoirou,
Vieourres toujours din l'histoirou,
Maï ouria ben maï dé gloirou
Se buvia coumou César. (bis)

Quan vives à ta campagnou,
Isoula din lei mountagnou,
Sé té cercavoun dé lagnou

Din toun paisiblé séjour;
Bacchus, lou dieou deis ibrougnou,
En vésen ta bellou trougnou,
Emé sa terriblou pougnou,
Té prestayé soun sécour. (bis)

Enfin quan l'afrousou parquou,
Té fara passa la barquou,
Qué près doou négre mounarquou,
Pariras tout counfoundu,
Sé té rousti pas l'esquinou,
Fai yé toujours bonnou minou,
Et respectou Prouserpinou,
Car aoutroumen sies perdu. (bis)

HISTOIROU DÉ MANUEL ET SA VIDOU POULITIQUOU.

1826.

Air: Pauvres moutons, ha! vous avez beau faire, etc...

Lei Députa qué la natioun régrètou
Dei bon Françès saran long-tem ploura;
Soun illustra per nostei gran pouètou;
Pourtan gnia un qu'es encarou ignoura.

Ségoundou mé, Musou dé la naturou,
Dounou à ma voix toun accen immourtel,
Car voou canta lei sublim'avanturou
Doou bravé Manuel. (bis)

A pénou intra din sa vingtièmou anadou,
Lou fier canoun dé partout s'entendyé,
Eis ennémis la Françou abandonadou,
Per la souva partiguè dei proumié,
Rampli d'ardour su lou cham dé batayou,
Maougra l'espect d'un fio countinuel,
An vis coumbatré à traver la mitrayou,
Lou bravé Manuel. (bis)

Jalous un jour dé sa gloirou guerrièrou,
Un traité amis voou terni sa valour;
Maï Manuel avié l'amou trop fièrou
Per suppourta lou mendré désounour;

Lou sabré en man su lou cham dé victoirou,
Sé n'es vengea dins un loyal duel,
Un trait tan beou pouou qu'embelli l'historou
Doou bravé Manuel (bis)

Leis estrangié répoussa dé la Françou,
Fai seis adieou à soun noblé drapéou.
Dé l'ououprima coumbra léou l'espérançou,
En dévénen la gloirou doou barréou,
Quan tout d'un cop, un coulègé cèlebré,
Lou choousiguè per dé vœu mutuel.
Afroux poudé as toujou vis intègré

Lou bravé Manuel. (bis)

Esprit proufoun, énergiqué et sublimé,
Soun élouquençou avié trop fa dé bru,
Din sei discours n'ouyen pas vis dé crimé,
S'avié siégea su lou ban dei ventru.

Sa noblou voix per la caousou coumunou,
Restoutissié d'un toun ben soulennel.
Ah! viren pus bria din la tribunou
Lou bravé Manuel. (bis)

Sieou tout ému, ma plumou sé refusou
Dé rétraça tan dé scènou d'hourrou,
Sési d'esfraï, unou terrou counfusou,
Dédin mei sens imprimou la terrou;
Europou, appren qué davan d'Excellençou
D'un lio sacra, tout counstitiounel,
An fa sourti per forçou et per vieoulençou
Lou bravé Manuel. (bis)

Hounour, hounour, ei vétérans illustré
Aqueou gran jour rappellou sei succès,
Sé soun acquis dé gloirou un nouvèou lustré,
Nous an prouva qu'èroun toujours Francès.
Sergent Mercié, ta counditou hérouiquou
A prouclama toun noum perpétuel.
Partagearas la courounou civiquou
Doou bravé Manuel. (bis)

Despiey alor chez soun ami Laffittou,
Coulavou en pax dé jour dé benhérou,
Quan tout d'un cop la mort la pus subitou
Ven l'arracha dé seis amis noumbrous.
O liberta! l'ami de ta bannièrou
Ven de nous faire un adieou éternel.
Hélas! trop léou termines ta carrièrou,
Adieou grand Manuel. (bis)

LEI FRANCS-BUVUR MANGEOU-MOUT

CANSOUN

**Cantadou lou dimar gras, à 8 hourou de soir, din un charriou,
per unou souciéta d'amis.**

1826.

Air: Dans le bocage de Cythère, etc...

Acourrez léou, famous ibrougnou,
Escoutares dé souflou mous,
Qué van canta sensou vergougnou
Unou cansounnetou à soun gous.
Sé la censurou vouyé mordré,
Lei mangeou-mout nous défendran,
Et lei buvur (bis) doou proumier ordré
Ensemblé nous proutégearan.

Sélon la modou prouvençalou,
Quan coumencian dé dansa,
Nous réservian unou salou,
Per beouré après s'estré alassa.
Lei chatou avien pas vougu creiré
Qu'avalavian tan ben lou vin,
Maï entendien (bis) lou bru dei veiré,
Avant d'estré intradou dédin.

Lou dijou gras yavié dé guettou,
Vésia qué dé moundé galoï;
Dansavian toutis en goguettou
Coumou fan ouu son de l'ouboï;
Et quan intravou caouqui masquou,
Qué vénien per sé diverti,
Yé fasian léou (bis) végea soun flasquou
Avant dé lei leissa sourti.

Uu hommé fai toujours mervéyou,
Quan s'embriguou émé seis amis,
Taou qué séquou ben sa boutéyou,
Pouu fayré façou eis ennémis.
Un hommé n'es jamaï timidé;
Quan lou vin yé mountou ouu cervéou.
Lou pus poultroun (bis) ven entrépidé,
Quan sussou lou jus doou gavéou.

Quan sian ben rampli dé vinassou,
Qué nous pouden pus téni dré,
Lou tem nous pareï en bounassou,
Sé jalou, n'aven jamaï fré.
Sian maï hasardous près dei chatou,
Yesprimen mies nosté tourmen,
Et ben souven (bis) lei pus ingratou
Sé rendoun à nosti sermen.

Qué sègué dé vin dé Champagnou,
Vo dé nectar dé Frigoulet;
Tan ben buven aqueou d'Espagnou,
Tou coumou aqueou de Barrayet
N'n saben fai la différençou,
Quan yé fan jouga lou triaou;
Maï aoutroumen (bis) sen préférençou,
N'en déven beouré à plen dé traou.

LEI CAOUSOU PER FORÇOU VO LOU VIN DÉ DESTRE.

1827.

Air: Suis pas curieux, mais je voudrais ben voir ça.

Touti lei jours dé certens journalistous,
Vraï basilic dé la counstitutioun,
Soutou lou masquou dei bons royalistous
Aousoun vanta nosteis institutioun.

Tristou Gazétou, gardou ta pancartou;
Vaï, sensou tu desfendren nostei dré,
Quan per la frimou nous vantés la Chartou,
Fouo counvéni qu'es dé vin dé destré. (bis)

Lei francs gourrins, disciplé dé san laché,
Din lou travaï qu'amoun foundré soun ploun,
Dé lou tua disoun qu'an fa lou paché,
Lou van cerqua souven ém'un troumbloun,
Soir et matin, toutou la sémanadou
Soun lei péyé dei cafés, cabaré,
Sé fan per fes unou bonnou journadou,
Fouo counvéni qu'es dé vin dé destré. (bis)

Din sei sermons nostei bons missiounari
Cridoun toujours, chrestian, soungé ouo trépas:
Junou, pati, fas trop bon ourdinari,
Quan lou trétur yé ser quatré répas;
Leis aven vis qu'exploitavoun la Françou,
Gros, gras, dodus, et frés coumou dé gré;
Sé caouqui fes préchoun la tolérançou,
Fouo counvéni qu'es dé vin dé destré. (bis)

Quan un poultroun lou fan parti per forçou,
Maoudi l'habit, lou sabré, lou mestié;
Garou sé piei fouo brula caouqui morçou
Faï lou trémar, soun fusi es coustié;
Palé, tramblan, lou vésé qué trantayou
En desfenden lou mendré rébiré;
Sé countribuou ouo gain d'unou batayou,
Fouo counvéni qu'es dé vin dé destré. (bis)

Un empluga, qu'amou l'indépendençou,
S'es électour, l'oouran léou arresta;
S'es pas d'avis dé vendré sa consciençou,
Es ben ségur d'estré mes dé cousta.
Vieoulentaran jusquou soun caractèrou,
Aquo s'es vis déjà din forçou endré;
Sé dounou piei soun votou ouo ministèrou,
Fouo counvéni qu'es dé vin dé destré. (bis)

Un icounstan qu'a troumpa sa mestressou,
Se vei ben léou agarri dei paren;
Abjurou tout, soun sermen, sa tendressou,
Per lou san noux sé mostrou indifféren;
Din soun chagrin la bellou sé counsumou,
Souven fini per gagna lou paouré;
Sé piei counsen de nen faïré sa fumou;
Fouo counvéni qu'es dé vin dé destré. (bis)

Chantré mesquin, poète impitoyablé,
Es décida, mé bagné pus lou péou;
Tardé pas maï, mandé ma Musou ouo diablé,
Laché Pégasou, et brisé mei pipéou;
Car finieou per yé perdré l'escrimou.
Mei paouri vers soun trop dur et trop fré;
Dé moun cervéou quand derrabé la rimou,
Fouo counvéni qu'es dé vin dé destré.

LOU PÉSOU.

CANSOUN

**Adreissadou a Moussu GRAND, huissié,
qué m'avié préga dé fairé caouquourren sus aqueou sujet.**

1828.

Air: De la pipe de tabac.

Puisqué lou voulè, foou vous diré
Unou cansoun su lou pèsou:
Yé trovarés proun à rédiré,
Sabé qué n'es pas lou Pérou.
Lei vers, sélon moun ourdinari,
Leis aï gairé ravasséga,
Quan rimé dé mots trop vulgari
Serqué pas dé pèsouyéga. (bis)

Tems jadis, luroun dé la gançou,
Érou lou termé favouri,
Pus tard per aqueou d'estiquançou,
Jouïni gen n'ya dévouri.
Quan un prouverbé es à la modou,
Per lou diré sian enragea;
Maï veuy la nouvellou méthodou
Es dé poudé pèsouyéga. (bis)

L'ordré dé la mitoculançou,
Ma fé, faguè pas gran bellu;
Un gros pèsou din la balançou
L'empourta dessu lou piooullu.
D'aquellou expressioun groussièrou
Veuy tout lou moundé s'es gourgea;
Fyou et garçoun din lei carrièrou
Vourrien toujours pèsouyéga. (bis)

Dé pèsou gna dé tout'espèçou,
Dé long, dé court, et d'esbégu;
Sé n'en vei qu'emportoun la péçou
Surtout lorsqué soun révengu.
Din l'Espagnou n'es pas facilité
D'évita dé n'estré roungéa;
Ferdinand, dé toun doumicilé
Té faran proun pèsouyéga. (bis)

Et tu, ô Françou ma patriou!
Dé pèsou té n'en manquou pa;
N'as qué rousigoun teïs ouriou,
Toun corp déjà l'an attaqua;
Soun larda coumou dé langastou,
Ren lei pouu fairé deslougea.
Ya proun dé tem qu'eisso sé gastou,
Caouqu'un pourrié pèsouyéga. (bis)

En attenden la passen durou,
Dé travaï gna presqué pus gés,

Et yeou crésé qué s'eisso durou
Dins un an sian touti bourgés;
Car tout lou moundé pésouyéjou,
Hurous aqueou qu'a per mangea.
Ben souven, maougra nostou envéjou,
Sian fourça dé pésouyégea. (bis)

MA PHILOSOPHIO

Air: Nous sommes tous des imbécilles.

Amis, voou canta sen façoun
Ma pichotou philosophiou,
Sensou vous fayré une leiçoun
Ma franchisou vou la counfiou.
Dei gros chagrin sieou à l'abri,
Veici en dous mots la counsinou:
Canté cé qu'ai toujours chéri,
Et sieou hurous din ma cassinou.

L'ennui ven raramen chez yeou,
Ma gaïta jamai m'abandounou.
Lou bonhur mé virou lou quieou,
Prenné cé qué lou sort mé dounou.
Su moun visagé poou ègri
Moun caractèrou sé dessinou,
Canté eé qu'ai toujours chéri,
Et sieou hurous din ma cassinou.

Mé mouqué dei pédans, dei sots,
Dei mouchars et dé la censurou,
Dé la ragé dei faou dévots.
Caouquourren aoutré mé rassurou.
Un rayoun d'espoir ven s'ooufri
Lou plési alors mé bassinou;
Canté cé qu'ai toujours chéri,
Et sieou hurous din ma cassinou.

D'un richas qué nadou din l'or,
Rampé pas soutou la baguettou;
Ni eou, ni soun famous trésor
Mé faran faire unou courbettou.
Quan sa fierta ven m'agarri,
Douné pas din sa bécassinou.
Canté cé qu'ai toujours chéri,
Et sieou hurous din ma cassinou.

Sé mesprésen mei qualita,
Ma mestressou déven voulajou,
Controu soun infidellita,
Trové léou cé qué mé soulajou;
Mé sabé proun mettré à l'abri
Dé soun humour trop assassinou,
Canté cé qu'ai toujours chéri,
Et sieou hurous din ma cassinou.

Per hasard quan ai dé chagrin,

Sabé qué soun pas dé duradou,
Unou cansoun, un gai réfrin,
Rémés ma resoun esgaradou.
D'aqueou maou mé sabé gari,
En lou coupén din sa racinou.
Canté cé qu'aï toujours chéri,
Et sieou hurous din ma cassinou.

MEI RÉGRETS PER ADÈLOU.

Air connu.

Toou doun té trouva fidèlou,
Quan yeou sieou qu'un incounstan;
Imitou mé, tendrou Adèlou,
Crésé mé, fai n'en ooutan.
Es fini, m'es impoussible
Dé cerqua dé t'agrada,
Aï toujours lou cor sensiblé,
Maï hélas! sieou marida.

Dédin ma trop longou absençou,
Oublidèré tei vertus,
Aï trahi toun inoucençou,
Quan dévieou pensa qu'à tu.
Podé pus roumpré ma cheynou,
Per toujours mé sieou brida;
A meis yeux sies unou reynou,
Maï hélas! sieou marida.

Près dé tu vénieou tout brasou,
Quan lou soufflé dé Zéphir
Sooulévavou en poou ta gasou,
Reculissieou tei soupirs.
Ah grand Dieou! qu'èrés poulidou,
Toun régard fasié céda;
Désempiei sies embellidou;
Maï hélas! sieou marida

Vai, cessou d'estré amoureuxou
D'un ingrat qué t'a troumpa,
Vourrieou maï té rendu hurousou,
Senté qu'aco sé poou pa;
Contes pus su ma proumessou,
Adieou té fouou oubliada;
Sabé qué m'èrés soumessou,
Maï hélas! sieou marida.

LA NOUVELLOU DÉ LA COUNSTRUCTION D'UN PONT SUSPENDU, A TARASCOUN.

En Nouvembré 1828.

Air: Du pas redoublé.

Un superbé Pont suspendu

Disoun qué nous van fairé,
Lou brut es pertout respendu
Qué tardaran pas gairé.

Charlé Dèss ven dé l'approuva,
Tout lou moundé l'assourou;
Leis ordré soun même arriva,
La nouvellou es ségurou.

Leis ouovris sé van empressa
D'unou bellou manièrou,
Afin que yé pousquen passa
L'an qué ven per la fièrou.
Lou Réy dé soun pont à bâtiéou
Pouu fairé un fio dé joyou;
S'a permes dé nen fairé un béou,
Séгур n'es pas dé gloyou.

Graçou ei trutoirs, ei gardou-fouï
Saren en ségurettou,
L'on s'esclapara pus lou couï
A travers dei carrettou.

Despiei lou quai jusqu'ouu canaou.
Per lou sieun d'un artistou,
Yalignaran plusieurs fanaou
Qué flattaran la vistou.

Viren pus gés d'interruptioun
Per l'hiver et lei glaçou,
Lou pont maougra d'inondatioun
Changeara pus dé plaçou.
Lou passant et lou vouyajour
Pourran ségui sa routou,
Lei barquou la nieuch et lou jour
Yé passaran dessoutou.

Gnia qué lou viran dé bon cor,
D'aoutré faran la minou.

Arrivou toujours dé discor
Quan l'intérès douminou.
Qué vagué aboutis oou pourtaou,
Ou ben dessus l'éclusou,
Lou cop nous es pas ben mourtaou,
Et rés sé yé refusou.

LOU FILET ROUSTI.

CANSOUN

Dédiadou ei Voitureié doou Rosé.

Air: Peuples, formez une sainte alliance, etc...

Meis chers amis, proufiten dé la vidou,
Embellissen toujours nosté destin;

Oou cabarêt l'amitié vous counvidou,
Anen yé léou fairé un pichot festin;
Sachen joui dé caouqui régalaou,
Tuen lou tem car nous ren abesti;
Anen mangéa qu'unou simplou saladou,
Un gros filet rousti. (bis)

Lei bon mouçeuou qué vantoun per la taoulou,
Vanéou, pluvyé, bécassoun, perdigaou,
Rouget, pagéou, capoun dé Racamaoulou,
Ei gastrounomou aquelli mèt fan gaou.
Per quant à yeou, pu simplé et pu moudesté,
Quan sieou poussa per un bon appéti,
Chez Cabanettou amé dé trouva presté
Un gros filet rousti. (bis)
D'un bon filet tout lou moundé rafolou,
Veuy sé nen sert din lei méyeou répas;
En généraou dessoutou lei dous polou
Tout bon grouman nen faï lou pus gran cas.
Quan d'un dina lou béou moumen approachou,
Qué nosté ventré es quasi aplatti,
Sian rassura en vésen à la brochou
Un gros filet rousti. (bis)

Grand Lucullus su tei taoulou roumainou
Lei plats noumbrous n'éroun pas limita,
Noun jamaï res din la naturou humainou
Despiei alors n'a pouscu t'imita.
Touti lei jours per tu l'art enventavou,
Salmi, ragout, farçou, tourtou, pasti;
Es counégu qué jamaï té manquavou
Un gros filet rousti. (bis)

Doou jus qué rend dédin la lichafroyou,
Quatré ou cinq fés foou qu'agué doou respous;
En yé founden d'oli, d'ayet, d'anchoyou,
Lou soupiquet yé dounou un myeou gous;
Un gros manjur l'avalou émé délicé,
Din lei fricots qué sa pansou englouti,
L'on vei toujours din lou ségoun servicé
Un gros filet rousti. (bis)

En l'espécen lou parfum qué s'exhalou,
D'un enguetta faï passa lou chouquet;
Ren qué l'oudour qué sé per din la sallou,
Excitayé la fan d'un bésuquet;
Raré faisan, yé siés pas coumparablé,
Chez l'oopulen vaï té faïré alesti,
Saras jamaï tan bon, tan delectablé,
Coumou un filet rousti. (bis)

LA TIGRESSOU APRIVADADOU, VO L'HÉROUS CONTROU-TEM.

Air: Tout l'univers retentit de la gloire, etc...

Un jour Anettou la pastressou
Assétadou oou pè d'un loousié,

Tout à m'un cop fuguè souspressou
Per Tony lou galant masié.

Tout plen d'ardour et dé tendressou,
Dé n'estré adoura lou crésié;
Maï la bellou èrou une tigressou
Qué dé sa flamou n'en risié.

A ginoun yé dit: — Mestressou,
Moun corp per tu semblou un brasié,
Sieou vengu veuy ém'allégressou
T'ooufri un boutoun dé rousié.
Transpourta per sa follou ivressou,
Lou paouré Tony jouissié;
Maï la belle èrou unou tigressou
Qué dé sa flamou nen risié.

Sé ma persounou t'intéressou,
Faï léou, darbissé toun gousié,
Tardés pas maï car lou tem pressou,
Digou mé s'as la fantésié
Dé m'accourda caouqui caressou,
Paréi qu'a Tony yé cousié,
Maï la bellou èrou unou tigressou,
Qué dé sa flamou n'en risié.

L'amour surven, Anettou es pressou,
Yavié long-tem qué lei vésié.
L'unou coumou unou fourtaressou,
Et l'aoutré hélas! qué souffrissié.
D'un trait lança justé ém'adressou
Yé piquou mounté yé prusié;
Anettou fuguè pus tigressou;
Un hourou après Tony risié.

LOU GÉNIU DÉ MOUSSU SÉGUIN.

CANSOUN

Cantadou per la premièrou fes, lou 12 Abreou 1829, am'un banqué douna per eou, à l'oucasoun dé la paousou dé la proumièrou péyrou doou pont suspendu.

Air: Voilà, voilà le vieux soldat.

Dé ma Musou moudestou
Sé sourtié dé bon vers:
D'aquestou bellou festou
N'instruieou l'univers.
Ménestri dé Prouvençou,
Su toun gaï tambourin,
Deis bords dé la Durençou
Frédounou moun réfrin;
Véné léou, ta présençou
Manquou ém'aques festin;
Car voou canta Moussu Séguin (bis)
Moussu Séguin, Moussu Séguin.

A pénou èrou à l'escolou,
Qué tout Paris l'a vis,
Près dei bravé d'Arcolou
Desfendre soun pays.

Quan, din sa barbariou,
D'homme traïte et malin
Livrèroun sa patriou
En d'ennemi mesquin,
Deis arts et doou géniou
Enrégùè lou camin;
Veuy illustroun Moussu Séguin (bis)
Moussu Séguin, Moussu Séguin.

Dé sei vastou entrépressou
Tarascoun sé nen sen,
Nous plounjou din l'ivressou
Per lou pu béou présen.
D'ouvris dé toutou classou
Adoucis lou destin;
Tout'unou pouplaçou,
Jusqu'ou nosteis vesin,
An suppourta lei glaçou
D'un hiver ben malin,
Grâçou oou pont dé Moussu Séguin (bis)
Moussu Séguin, Moussu Séguin.

Nieuch et jour tout travayou
Dins un parfet accords;
Quatrè ou cinq barquou à trayou,
Navigoun dei dous bords;
En despié deis entravou
Tout se fai à gran trin,
Per carrégea la gravou
Manquou pas dé couffin;
La jalousié grougnavou,
Mai succombou à la fin
En favour dé Moussu Séguin (bis)
Moussu Séguin, Moussu Séguin.

Su lei plaçou publicou,
Oou Cours, su lou gravié,
Chasqué piquur s'appliquou
Dé guida soun chantié.
L'artirayé voulantou
Fai pas mai dé camin.
Cablé, péyrou, charpantou,
Bétoun, culadou entrin,
Chassis et man-courantou,
Fouu qué tou marche ansin,
Per l'ordré dé Moussu Séguin (bis)
Moussu Séguin, Moussu Séguin.

Aqueou pont désirablé,
En counissen l'ooutour,
Vaï estré incoumparablé
Eis yeux deis amatour.
Lei Fiou dé mémoirou
Et soun famous burin
Publiaran sa gloirou;

Nostei darnié cousin
Un jour veiran l'histoirou
Dessu papié vélin
Dé l'immourtel Moussu Séguin. (bis)
Moussu Séguin, Moussu Séguin.

S'aqueou travaï prouspèrou
D'unou tallou façoun,
Lou déven oou bon Mairou
Qu'aven din Tarascoun.

Véjen léou dé boutéyou
Plénou doou moyeou vin,
Dos santa sans paréyou
Tiren lei sensou fin;
Faï mé fayré mervéyou,
Puissan dieou dei rasin.
Vivou Cadian et Seguin (bis)
Messieus Cadian et Seguin.

L'EXPÉDITION EN MOUREOU. 1828.

Air: Français, le signal est donné, etc...
Relèvou toun front abattu,

Réynou deis arts, Grèçou vantadou;
Lou sort à proun jougoua dé tu,
Es tem qué fugues escoutadou.

Récatou lei tristé débris
Doou pus terriblé deis nooufragé,
Nostou natioun enten tei cris
Podes counta su soun couragé.
Faï teis efforts, ô pays malhérou!
Ben léou (bis) viras flouta l'estendar dé la Croux.

Per toun Dieou, per ta Réligioun,
As ben proun fa dé sacrifié;
Lei pu réculadou régioun
Brûloun dé té rendu servicé.
Eres casi din lou néan,
Maï tres natioun Coualisadou
Per tu jusqu'ou su l'Océan
Formoun unou santou croisadou.
Faï teis efforts, ô pays malhérou!
Ben léou (bis) viras flouta l'estendar dé la Croux.

Réjitouns dé Léonidas.
L'Europou embrassou vostou caousou;
O liberta! guidou sei pas,
Su tu la Grèçou sé répaousou.
Rassura-vous, vires lou bout
Dé vestei péniblou souffrançou;
Din pouu dé tem bravares tout,
Emé lei sécours dé la Françou.
Faï teis efforts, ô pays malhérou!

Ben léou (bis) viras flouta l'estendar dé la Croux.

Guerrié Françès, as parégu,
Tout d'un cop l'inferralou racou
Dé toutou part an courrégu
Per té véni démanda graçou.
Lou tigré Ibrahim a rougi.
Dé touti seis acté barbaré.

Din lei Désert l'as fa fugi
Emé sei bandou dé tartaré.
Faï teis efforts, ô pays malhérous!
Ben léou (bis) viras floutta l'estendar dé la Croux.

Nostei sooudar, din lou bésoun,
Soun fier, humain, vaillans, hounesté,
Counéyssoun ges dé trahisoun,
Per faï lou ben soun toujours presté;
Déjà sei drapéou libéraou
Flotoun su lei tourré d'Athènou;
Soun guida per dé généraou
Qué fan l'hounour dei Philéllènou.
Faï teis efforts, ô pays malhérous!
Ben léou (bis) viras floutta l'estendar dé la Croux.

Hounour à l'immourtel Fabvié,
Es ben digné dé la patriou,
Afrountou touti lei dangié
Per ranversa la tyranniou.
L'histoirou un jour din seis escrits,
Dira qu'emun lointain rivagé,
Un colonel Françès, prouscrit,
Léva dé Chrestian d'esclavagé.
Faï teis efforts, ô pays malhérous!
Ben léou (bis) viras floutta l'estendar dé la Croux.

DÉCLARATION D'AMOUR A SUSOUN.

Air: Deis oussellouns, etc...

Susoun, objét dé moun déliré,
Despiey long-tem pensé qu'à tu,
Té l'avieou jamaï ousa diré,
Dé pouou dé blessa ta vertu.

Sé sabies ben coumou t'adoré,
Unyés léou toun corp ouou mieou,
D'amour sé vos pas qué n'en moré,
Susoun, agues piéta dé yeou.

Sies aimablou, jouinou, poulidou,
Et léysses passa tei béou jour;
Lei Graçou qué t'an embellidou
Durrien déméni ta fréjour.
Toun régard din moun corp faï brèchou,
Souven mé piquou jusquouou vieou;
Teis yeux mé soun dé cop dé flèchou,

Susoun, agues piéta dé yeou.

Vai, la béouta n'a qu'un passagé,
Coumou leis ousséou doou printem.
Lei charmé dé toun béou visagé
Se passiran din pouou dé tem;
La fresquour qué té rend tan bellou
Un jour té virara lou quieou;
Créy mé, fugues pas tan cruellou,
Susoun, agues piéta dé yeou.

Ah! sé t'avieou sachu tan fièrou.
Noun, noun, m'ouries jamaï troumpa;
Mé fas dé marridou manièreou,
Cépendant lei mérité pa.
Sé dé ben ama ren coupablé,
sies assuradou qué lou sieou;
Aqueou crimé es ben pardounablé,
Susoun, agues piéta dé yeou.

ANONYMOU

**Qué mé fuguè adreissadou lors doou passagé dé la duchessou dé Berry,
su lou refus qué faguèré dé la canta; sachèré pus tard qué vénié dé la part dé moun ami
Rochou,
qué s'èrou amusa à jouga émé moun noum.**

1829.

Air: Femme, voulez-vous éprouver, etc...

Mé veici doun tout interdi,
Arou sabé pus déqué faire;
Apoulloun m'abandonnou ici,
Dé forçou ségur n'aï pus gaire.

Voudrieou ben poudé canta
Lei vertu dé nostou princessou;
Maï mé trové tout désanat
Et tout accabla dé paressou.

Espéaves qué toun ami,
En sa qualita dé pouètou,
Venguessé émé dé vers chousi,
Dé Tarascoun estré interprètou;
Lei royau devien l'espéra,
Qué lou devieou à la princessou;
Maï mé trové tout désanat,
Et tout accabla dé paressou.

Cépendan nen foou counvéni,
Madamou es douçou et ben aimablou,
Foou doun qué l'esprit dé parti
La fagué trouva mens afablou.

Ellou a tout per sé faire ama,
Et méritou nostei caressou;

Maï mé trové tout désanat,
Et tout accabla dé paressou.

RESPONSOU A L'ANOUNYMOU

**Qué m'avié défia dé canta la princessou, en jouguen émé lou mot désanat,
amoun tour, mé permetté dé jouga ém'aqueou dé Rochou.**

Même Air.

Yé penses pas, moun bon ami,
Quan vos qué canté Carrolinou,
Phébus d'avançou oouyé gémi
Dessu la célebrou coulinou.
Amé pas dé tartufégea,
Dieou merci, res mé lou réprochou,
Mé veiran jamai dérougea;
Per ellou sieou fré coumou rochou.

Vourries pas qu'imitessé ici
Mazurié quan fasié lou singé;
Naï pas ooublida dieou merci,
L'anadou millou veu cent quingé.
Caou béou amar, crachou pas dous,
Et, sen maï cerqua d'anicrochou,
Disé qué quoi qu'es à moun gous;
Per ellou sieou fré coumou rochou.

Un chantré dé la liberta,
Ren pas sa Musou prisounièrou,
N'a jamai sachu déserta
D'ouou gran Beranger la bannièrou.
Quan même m'aguessé douna
L'or qu'enfermavou sa filochou,
M'ouourié pas maï vis frédouna;
Per ellou sieou fré coumou rochou.

Counvèné pourtan émé tu
Qu'es tout a fè simplou et risentou,
Qu'es un moudèlou dé vertu,
En un mot, gayou et coumplésentou,
Poussèdou unou amabilita
Doun ren n'egalou et ren n'approchou;
Et ben maougra sei qualita;
Per ellou sieou fré coumou rochou.

Sarié différen s'un béou jour,
Poudieou veyré ici Lafayettou,
Alor per aqueou vouyageour
Entounayeou vers, ariettou;
Maï quan lou foun doou cor dit ren,
Lou myeou coublet toujou clochou;
Ainsi per ellou et sey paren
Saraï toujours fré coumou rochou.

LA POULIÇOU DÉ MOUSSU DÉLAVAU, VO LEI MOUCHAR.

1829.

Air: Du partage de la richesse, ou Du petit matelot.

L'hommé qué sé dit immuablé,
Disoun qu'entréten chasqué jour
Emé l'or dei countribuablé,
Cent millou agen prouvocatour.
Dé Vidoc à groussi la raçou.
Délavau nen tirou sa par.
An jura dé ges fai dé grâçou.
Mesfien-nous, ya dé mouchar.

Oou proné, ouu théâtré, à l'ouudiënçou
Nous guettoun dé toutou façoun,
Lou tem émé l'espériënçou
Nous apprendra nostou leiçoun;
Ténen-nous toujours en réservou,
Surtout nous couchen jamaï tar;
L'argus sans cessou nous oubserve;
Mesfien-nous, ya dé mouchar.

Sé per malhur manquen la messou,
Saren nouta su lou carnet,
Aquelli caousou soun permessou
Qu'ei tartufou qu'an lou cor net.
Garou, blamen pa lei Jésuitou,
Lei courtisans et lei cafar,
Eissugayan millou poursuitou;
Mesfien-nous, ya dé mouchar.

Faguen jamaï l'apologiou
Dé nosti chantré natiounaou,
Ni dé la briantou énergiou
Qu'immortalisou lei journaou;
Existou dé notou secrètou,
Viren poursuivré tot ou tar
Jusquou la pensadou indiscretou,
Mesfien-nous, ya dé mouchar.

Deis arsénaou touti lei forgeou
Nous préparoun dé trésioun,
Nous mettran lei pé su la gorgeou,
N'espéroun pus qué l'ouccasioun.
L'espionagé es à la pistou,
Tachen d'evita sei régar,
Dei prouscrit groussian la listou;
Mesfien-nous, ya dé mouchar.

COUNSEOU A MOUN AMI F...

Oou sujet dé sa nouvellou plaçou dé coumis greffié.

1830

Air: A voyager passant sa vie, etc...

Moun cher, ai apres la nouvellou
Qué duvies ramplaca F... é,
Té vas néga din lei parcellou,
Din lei proucès, din lei doussié.

Vendras fort en jurisprudençou,
Estudiaras Merlin, Poitié;
Ooublidou toun indépendençou,
Soungou qué sies coumis greffié.

Saras empluga subalternou,
Té foudra souven passégea;
Ames lou systê mou modernou,
As bésoun dé té minagea;
Té fouu fai provou dé prudençou,
Dédin aqueou nouvêou mestié.
Ooublidou toun indépendençou;
Soungou qué sies coumis greffié.

Toun humour té la fouu soumettré,
Surtout cantes pus mei coublet,
Car poudries té coumproumettré,
Moun ami, sensou lou voulé.
T'ai toujou fa dé counfidençou,
D'aquestou fai nen toun proufié;
Ooublidou toun indépendençou,
Soungou qué sies coumis greffié.

Té vaqui larda din lou greffé,
Enfounsa din lou tribunaou,
Quan discutiras fugues breffé,
Su leis articlé natiounaou;
Ben souven per unou imprudençou
Lou cassairé per soun gibié;
Ooublidou toun indépendençou,
Soungou qué sies coumis greffié.

Ta plaçou, quoiqué ben geinantou,
La rampliras émé passioun,
Vesti dé ta raoubou trénantou,
Té veiren à la proucessioun;
Podes gagna caouqu'indulgençou
Coumou à fa toun cousin F... é.
Ooublidou toun indépendençou,
Soungou qué sies coumis greffié.

LA PÉROU, VO LOU POURTRAIT DOOU MINISTÈROU.

Doou 8 Aoust.

2 Janvier 1830.

Air: Pardonnez-moi, mon père, etc...

Aquest an nosti mandatari
Durrien courrigea leis abus,
Et qu'oumens leis acté arbitrari
A la fin nous vexessoun pus.

L'espoir nous flattou,
Maï de galatou
Nous piparan lou sang enjusqueis os.
Poplé facilé,
Fugues doucilé,
Sé vives maou ya qué tu qué lou vos;
Supportes millou pounadourou;
Sé t'avises pas sies rousti,
Nosti ministré an appetti,
La pérou es pas madourou. (ter)

Polignac es ouou ministèrou,
Lou coummerçou deou réflouri,
D'un anglés à lou caractèrou,
Sian doun fourça de lou chéri;
Sa poulitiquou
Toutou gouthiquou,
Restablira la santou inquisitioun;
Nosti Tartufou
Fan pus la tufou,
Soun enchanta dé sa nouminatioun.
Qué rés contr'eu lancé d'ourdurou,
Françou, supportou seis excés,
Pourriés pas gagna toun proucès,
La pérou es pas madourou. (ter)

Mountbel pensou pas coumm'un drolé,
Es ministré, voou véni gras,
Villèlou en yé souflen soun rolé,
Mandou la péyrou, escoun lou bras.
Veuy la Garounnou
Nous enviroinou,
Esten seis branquou jusquou din Paris.
Es d'ourdinari
Qu'un founctiounari
S'és bon gascoun, sara toujours ben vis.
Lou vexa ya long-temp qu'endourou,
Sei dré dé pertout soun rougna,
Coumençou ben d'estré entrougna,
La pérou es pas madourou. (ter)

Despiei lou jour qué la justicou
Es counfiadou à Courvoisié;
Vésen pareissé à la poulicou,
Dé coumédien, dé tapissié,
Lei marchandisou
Soun bonnou prisou,
Mangin, crei d'avé l'absolu poudé
Su leis estampou,
N'a pas la rampou,
Maï qué d'un cop faï jouga lei cinq dé;
Yajustoun piei la proucedourou.
Sé poou pas estré tan michan,
Counsoula-vous, paouri marchan,
La pérou es pas madourou. (ter)

Lou cansounié Guernoun-Ranvillou
Dirigeou nostou éducatioun;
Pouètou dé touti lei villou,
Fasè yé vostou invouciatioun.
L'académiou
D'aqueou géniou
Approuvara lei brian manuscrit.
Din lei enregistré
D'aqueou ministré
Yé trouvaran dé coublet plen d'esprit;
Sé ya pas maï dé saladourou
Qu'à la critiquou d'ou toundu,
Méritou pas d'estré entendu;
La pérou es pas madourou. (ter)

S'agit pus qué d'estré transfugé,
Per avé dé plaçou d'hounour,
Bourmoun qu'ouurié bésoun dé jugé,
Nous l'an prouclama Mounseignour;
Ooussi l'armadou
Es allarmadou,
Ya dé rumour din plusieurs garnisoun,
Mars et Bellonnou,
Su la Coulonnou
Cridoun, Francès, sian à la trahisoun;
Sooudar n'en passerés dé durou,
Vous van fairé bagna lou péou;
Quittés jamaï vosti drapéou,
La pérou es pas madourou. (ter)

A nostou dernièrou campagnou
Lou budjet faguè seis efforts,
Oou famous trioumphé d'Espagnou,
L'État véjea sei coffré forts.
Alger s'apprestou,
Ménen lou restou,
D'or, dé sooudard, dé canoun, dé veisséou,
Piei l'Anglouterrou,
Après la guerrou,
Arrivara per mangea lou moucéou.
Ya lou mens quinge ans qu'eïço durou,
Fouo counvéni qué san pas fin,
N'en durrian ben véyré unou fin;
La pérou es pas madourou. (ter)

En attenden, tout péléquittou,
Lei caousou marchoun dé rébout;
Lou coumerçou à soun tour nous quittou,
Tout arou lien pus lei bout,
Aï paourou Françou,
Toun espérançou,
Nen podes fairé un acté d'abandoun;
Adieou la Chartou,
Soun sang s'esvartou,
La liberta vaï fugi d'escoundoun.
Zouo piqua su la macadourou
Ministré plen d'iniquitta,
Un jour nous pourrian réquitta,
La pérou es pas madourou. (ter)

COUNSEOUS DÉ MEI SOI-DISANS AMIS.

En Mars 1830.

Air: De la catacoua.

Désanat, préné té ben gardou,
M'an dit souven certens amis,
Cantes pus, aco té régardou,
Faras riré teis ennémis;
Ei quatré cantoun dé la villou,
S'entrétennoun pus qué dé tu,
Fas lou testu,
Sies coumbattu,
Pagaras chier tei paouris improumptu,
Surtout sé la guerrou civillou
S'allumou per Moussu Cottu.

Cansounes émé counfiançou
Lei Jésuitou, leis Estrangié,
Mespréses la santou alliançou,
Apréhandes ges dé dangié.
Vantes lei liberta publicou,
Durries saoupré qu'es desfendu,
Saras mourdu,
D'individu
Maï qué d'un cop déjea t'an entendu;
Oouras béou cerqua dé répliquou,
Quan voudran saras counfoundu.

Insultes jusquou d'Excellençou,
Cé qué durries faïré jamaï,
Réprimaran toun insoulençou,
L'ancien régimé vendra maï,
Doou bon plési, doou privilègé
Trop hérous sé sies lou vassaou,
Tout en sursaou
Oouras d'assaou,
Abouliran tei couplets prouvençaou;
Eiço n'es pas un sourcillègé,
Pouden y arriva din un saou,
Per trop canta soun énergiou,
Béranger soutou lei ferroux
Trés fes din Santou Pellagiou
Yan rénouvella seis escroux;
Avisou té qué la pouliçou
Controu tu sé, metté en chantié;
D'aqueou mestié,
Soun pas coustié
Per faïré entendré canta lei ratié.
Lou prengues doun pas per maliçou,
Suivé l'avis dé l'amitié.

Podes prétendré en caouqui plaçous,
S'abandonnes tei vers patoi,
Quoiqué n'as jamaï fa tei classous
Tan ben trouvayés un emploi;

Voou maï jouï din l'esclavagé,
Qué d'estré paouré indépenden;
Teis ascendens
Eroun pruden,
Maï cépendant leis avien sou la den;
Tu té trataran en soouvagé,
Et saras un dé sei penden.

Pouu t'importou qué l'Anglouterrou
Nous mésuré émé soun coumpas,
Pourvu qué lei Réy dé la terrou
A nosti frès vivoun en pax.
Déven léou parti per l'Affriquou,
Puisqué Vellingtoun l'a permes.
Din caouqui mes,
Saras soumes,
Tu et lei tieou, Polignac l'a proumes;
Oouras per jour cent cop dé triquou,
Sé dises dé maou deis Anglès.

Ainsi crésé-nous, fugues sagé,
Garou, s'entendes pas résoun,
Lou nivou dé marri présagé
Vaï espousqua su la cansou.
A la marotou déloyalou
Yé soouran pessuga lei dé,
Car ouu poudé,
Ya dé cadé
Qué té prendran un jour per un boudé;
Maougra la clémençou royalou,
Ramparas davan Moussu Dé.

OUBSERVATIOUN A MA MUSOU, VO RESPANSOU A UNOU CALOUMNIU

Qué mé fuguè lançadou doou cerclé Bicounet per dous viei esculapou.

Air: A mes dépens est-ce que vous voulez rire, etc...

Musou, quitten la cansoun natiounalou,
Lou toun qu'avian èrou trop résoulu,
Proucuren-nous unou lyrou vénalou,
Et canten pus qu'un poudé absoulu.
Lei chants français veuy soun pus nécessari,
La liberta n'es gairé dé sésoun;
Sian signala davan lou coumissari;
Sé canten maï, pourriren en présoun. (bis)

Es tu qu'as tor, sies unou factiousou,
Musou, t'ai dit souven: mesfiou té,
Sies casimen en pouu séditionsou,
Ooussi chascun t'entounou soun mouté;
Calmou toun fio, et per coundescendèçou,
M'inspires pus la mendrou dei cansoun,
Faï m'oublida ma bellou indépendèçou;
Sé canten maï, pourriren en présoun. (bis)

Sensou pudour, sensou délicatessou,
Nous an trata coumou d'étrou oumbrageous.

N'aguen pa pouu, aquellou pètitéssou
Anouçoû pas caoucun dé courageous.
Sian accusa d'excita la discordou
Et d'enflama soun funesté tisoun,
Vai, crésé mé, leissen aquellou cordou;
Sé canten maï, pourriren en présoun. (bis)

Dé toutou part la hainou nous aclapou,
Sian espousa en toutou sa merci,
Plen dé furour, dous bastard d'Esculapou,
Dédin un cerclé an oousa nous noirci.
Sensou piéta de nostou insuffisençoû,
Nous an boumi dé soutisou à foisoun.
Es décida, d'après sa médisençoû,
Sé canten maï, pourriren en présoun. (bis)

Sé pareissen un jour à l'ouudiencoû,
Inspiraren béléou qué dé mesprès,
Nosté avoucat, quoiqué rampli dé sciencoû,
S'es cabussa, res n'en sara sousprès;
Maï l'ouupénioun, qu'es lou myeou dei jugé,
A l'inoucen yé soou douna résoun,
D'un oouprima es lou darnié réfugé,
Et lou counsolou ouo foun dé sa présoun. (bis)

RESPONSOU EIS ABSOLUTISTOU

Qué tratavoun lei libéraou dé Bédouin, lors dé l'espéditioun d'Alger.

Air: Je suis vilain et très-vilain, etc...

Raçoû maoudichou, raçoû ingratou,
Courou cessa vosté vénin,
Oousa nous trata dé piratou,
D'Algérien et dé Bédouin.

Sachés qu'amen nostou patriou
Par dessu tout, mêmé à l'excès,
Tan pis, s'aquo vous desvariou,
Oui, sian Francès et très Francès. (bis)

Voulen pa lou rétour en Françoû
Ni deis Anglès, ni deis Prussien;
Sé nourrissen unou espérançoû,
N'es pas per lou régimé ancien.
Sian pas flétri d'aquellou taquou,
Doou tem dé nosti viei succès,
Désiravian pa lei Cosaquou,
Oui, sian Francès et très Francès. (bis)

Voulen qué dé la jouïnou armadou
Coumproumétés pus lou rénoum,
Qué césé d'estré coumandadou
Per l'infamé et traïté Bourmoun.

Dessoutou eou l'on court trop dé resquou,
Waterloo nou lou provou assés,

La plageou es encarou tro fresquou,
Oui, sian Francès et très Francès. (bis)

Voulen qué din la bonnou formou
Proucédés eis électiou,
Et qu'unou bonnou léy counformou
Rassuré vité la natioun.
Aoutroumen, adieou lei finançou,
A l'impos trouvarés d'arrès,
N'oubtendres ren per ourdounançou;
Oui, sian Francès et très Francès. (bis)

Lei Barbaresqué et lei coursari
Soun counégu, n'en douten pa,
An proun exerça l'arbitrari
Per qué nou yé pousquen troumpa.
Enfin, lou jour fataou approachou,
Vaï décida lou grand proucès,
Bravaren vesteis anicrochou,
Oui, sian Francès et très Francès.

DISSOULUTIOUN DE LA CHAMBROU DEI DÉPUTA, VO LEI 221.

1830.

Air: Allons, Babet, il est bientôt dix heures, etc...

La Chambrou enfin ven d'estré dissoutou,
Francès, veici lou jour tan rédouta,
Nostei ministré, ooujourd'heuy res nen doutou,
En réculen crésoun dé mies soouta,(bis)
Maï trouvaran dé certain rébifayré
Qué bravaran sei proujets impourtun,
Leis électour counéissoun soun affayré,
Mandaran maï lei dous cent vingtou-un. (bis)

Leis électiou aquest an saran caoudou,
Din tout péys fan dé préparatif,
Ya dé préfet qu'ourganisoun la fraoudou,
Leis an choousi d'un zèlou très-actif, (bis)
L'esprit public, an béou diré, an béou fayré,
Faï dé prougès coumou l'herbou en palun,
Leis électour counéissoun soun affayré,
Mandaran maï lei dous cent vingtou-un. (bis)

Vils ennémis dei liberta publicou,
Sia counégu, ren vous mes à l'abri,
Dé toutou part, dé courounou civiquou
Soun décernadou ei députa chéri. (bis)
Gagnares ren, en cerquen dé desfayré
Lei léy qu'assuroun lou bonhur coumun,
Leis électour couneissoun soun affayré,
Mandaran maï lei dous cent vingtou-un. (bis)

Destitua taou qué vous faï oumbragé,
N'oubtendres pas maï dé majourita,
Forçou, talen, hounour, vertu, couragé,

Nous apprendran toujours la verita. (bis)
Graçou ei journaou qué n'estima pas gayré,
Soouren lou jour qu'oures lou rancoulun,
Meis électour counéissoun soun affayré,
Mandaran maï lei dous cent vingtou-un. (bis)

Poudè rougna lei patentou et lei tayou,
A vosté but jamäi yé parvendres,
Ourganisa vestei plan dé batayou,
La Françou es prestou, attaqua quan voudrés,
Oou proumié choc, vestei famous dountayré
Dispareiran doou terrain coumou un fun,
Leis électour counéissoun soun affayré,
Mandaran maï lei dous cent vingtou-un. (bis)

Viren sourti dé l'urnou électouralou,
Lei noum brian qu'an sachu s'illustra,
Nen douten pa, l'oupinion libéralou
Aqueou gran jour partout trioumphara, (bis)
Avé bésoun dé vitamen réfayré,
Listou, tabléou, lou tem es oupourtun,
Leis électour counéissoun soun affayré,
Mandaran maï lei dous cent vingtou-un. (bis)

Lei mandaran en groussissen lou noumbré,
Sares capot dessu touti lei pouin,
Vostei coumplots, quoiqué fugoun ben soumbré
Soun desmasqua, maougra vosti gran souin. (bis)
Expédia vesteis agen d'affayré,
Coumou aoutri fes prendran pus res à jeun;
Leis électours counéissoun soun affayré,
Ougmentaran lei dous cent vingtou-un. (bis)

RESPONSOU A MOUSSU LOU CHIVAYÉ M...

Oou sujet dei counséous qué mé dounavou de pus canta lei liberta publiquou.

15 Maï 1830.

Air: Eh quoi, j'apprend que l'on critique, etc...

Moussu M...é vous rémercié,
Vosteis avis soun excellen,
Doou foun doou cor leis apprécié,
Maï sooures qué n'en faräi ren,
Car lou sens dé vostou mourallou,
Coumençou d'estré trop goousi;
Amé la cansoun libéralou,
Mé prives pa d'aqueou plési.

Coumpréné cé qué voulè diré,
Vous douné casimen résoun,
Oui, mei cansoun mé fan maoudiré,
Ici soun gayré dé sésoun.
Sieou din l'errour, amé à lou créyré,
Mei couplets soun presque agusi;
Maï talou es ma façoun dé véyré,

Mé privés pas d'aqueou plési.

Din lou cant trové moun délicé,
Per eou ouublidé mei souci,
L'aspect d'un ourriblé suplicé,
Unou cansoun pouu l'adouci.

Phébus, dé la voutou célestou,
Pouu m'inspira dé vers choousi;
Es l'ami soulé qué mé restou,
Mé prives pas d'aqueou plési.

Disè qué moun esprit s'escartou,
Avè grand tor, Moussu M...é,
Coumou vous counéissé la Chartou,
Coumou vous coumpréné mei dré.
Sé per fé ma plumou s'apliquou
A rétraça din sei lési
Lei noblou liberta publicou,
Mé prives pas d'aqueou plési.

Sabé qué ma paourou industriou
Tardaran pa dé l'agarri,
Ici taou qu'amou sa patriou,
Pouu pa gagna per sé nourri.
Toutou l'ambitioun qu'aspiré,
Es un moucéou dé pan brusi;
Noun mé n'arrivara pas piré,
Mé prives pa d'aqueou plési.

La présoun émé sa tourturou
N'a ren qué posqué m'esfraya,
Mei vers dicta per la naturou
Chasqué jour soouran m'esgaya.
Ma Musou quoiqué prisounièrou
La Liberta vendra l'ouusi,
Oui, volé canta sa banièrou,
Mé prives pas d'aqueou plési.

SERMEN DÉ FIDELLITA.

Air: Reviens à moi, etc...

Louisou, tranquilisou té,
Faraï jamaï d'aoutri mestressou,
Ya long-tem qu'as réçu ma fé.
Podes counta su ma tendressou,
Pensé qu'à tu la nieuch, lou jour,
Piei aouses diré qué t'ouublidé,
Crignégues ren, vai sieou soulidé,
T'aimé toujours. (bis)

Maougra nosti brouyaméni,
En té vésen, moun cor sé troublou,
Oou lio dé s'estré démeni,
Senté moun amour qué rédoublou.
Quan vollè affecta dé fréjour,
Encarou maï moun cor s'enflamou,

Tu soulettou occupes moun amou,
T'amé toujours. (bis)

Mesprésou lei rédits afrous
Enventa per la caloumniou.
Leis faou rapports eis amoureux,
Engendroun qué dé zinzaniou.
T'ai proumes un counstant amour;
Jamai res mé veira desdiré,
Maougra cé qué t'an pouscu diré,
T'amé toujours. (bis)

Sieou incapablé d'oublida,
Et moun sermen et ma coustançou,
Veuy per lei mies counsoulida,
Louisou, cèdé à teis instançou,
Répréné lei belli coulour
Qué t'embellissien dé coustoumou,
Din caouqui jour saras ma fumou,
T'amé toujours. (bis)

COUPLIMEN A MOUN AMI PIERRÉ-SIMOUN GALLOU,

Trétur oou gran Sant-Esprit, à Tarascoun, per lou jour dé sa festou, lou 29 Maï 1830.

Air: De voyager la manie est perdue, etc...

Es aques soir la veuyou dé ta festou,
Permetté mé dins aquesté moumen
Dé té canta d'unou voix manifestou,
Sus un air gai, un pichot coumplimen,
Té l'ai basti à la précipitadou,
Per moun malheur l'ai coumença trop tar,
A chasqué mot, ma Musou èrou aplantadou,
Ooussi viras qué ya gayré dé far.

Quan l'amitié sé mes dé la partidou,
N'es pas bésoun dé cerqua dé countour.
La gayéta presque toujours présidou
Din lei réfrin d'un galoï troubadour.

Quan Apoulloun sé mesclou din l'affayré,
Pressa d'ardour, crayouné un imprumtu,
Dé vers alors n'en pourrieou pas trop fayré,
Per un ami sincère coumou tu.

Din dé couplets, vo ben din un épitré,
Celébrayeou tei plats, tei poutagié,
Car ya qué tu qué mérites lou titré
Din Tarascoun dé premié cousinié.

Toun art divin restaourou la naturou,
Din tei saloun, l'on respirou un bon er;
Hérous aqueou qué per bonnou avantourou
Passou ché tu l'estieou amaï l'hiver.

Aques matin, enpou après l'aurorou,
Quan lou souléou doouravou lei bousquet,

Aï courrégu din lou jardin dé florou
Per té chousi lei flour d'aques bouquet.

Phébus alors, ques tou plen d'industriou,
Leis à cullidou eou mêmé dé sa man,
Piey l'amitié n'a fa la symétriou,
Et lei très Graçou an nousa lou riban.

En yajusten un béou brou d'immourtellou,
Mé l'an rémés; vénen aquesté soir
Per té l'ooufri, guida per nosté zèlou,
Acceptou lou, coumblaras nosté espoir.

MATURITA DÉ LA PÉROU.

Air: Femmes, voulez-vous éprouver, etc...

Aquest hiver avieou prédi
Qué l'estieou et la bagnadourou,
Soutou un ministèrou maoudi,
Rendrien la pérou madourou,
Mei souhèt sé soun acoumpli,
Lei flour dé lis soun entarradou,
Drapéou blan sies ensevéli,
La Pérou s'es amaduradou.

Salut! Estendar Natiounaou!
Idolou dé l'Europou entièrou,
Semblablé am'un brian fanaou
Eclères pu yeun qu'ei frountièrou.
Béou drapéou! té crésian perdu,
Tei coulour s'èroun esmaradou,
Après quingé ans nous sies rendu,
La Pérou s'es amaduradou.

Per vostis acté trop brutaou,
Ministré couvert d'infamiou,
Avè pourta lou cop mourtaou
A la détestablou famiou.
Quan crésia dé vous affermi,
Vosti poudé batien l'astradou;
Lou poplé es jamaï endourmi,
La Pérou s'es amaduradou.

Gascoun ei gran cop dé coulas
Digné amateur dé la censurou,
Té sies doun leissa prendré oou las
Maougra qu'avies pres tei mésurou.
Laché qué sies, dévies rougi
Lou jour dé la malemparadou,
Té tènou, podes pus fugi,
La Pérou s'es amaduradou.

Ya long-tem qué nou tratavia
Coumou dé brutou ou dé soouvagé,
Sabian qué nou réservavia
La mort, l'exil vo, l'esclavagé.
Su toun véritablé nivéou,
Bellou Françou sies oubouradou,

Respiraren un air novvéou,
La Pérou s'es amaduradou.

Mirastrou dei réy absoulu,
Déita, chièrou à l'industriou,
Dé michan avien résoulu
Dé t'exila dé ma patriou.
Augustou et noblou liberta,
Toun règnou sara dé duradou,
Francès, répréné ta fierta,
La Pérou s'es amaduradou.

LA TARASCOUNENQUOU VO LOU DRAPÉOU NATIOUNAOU.

Air: Allons, enfans de la patrie, etc...

Patriotou dé la Prouvençou,
Touti vosti pénou an fini,
Unou èrou dé bonhur coumençou,
L'hoourisoun n'es pus rambruni. (bis)

O liberta! per ta magiou
Lei tres coulours flattoun nosteis yeux,
Sourten d'uni terriblou nieux
Et dé quinge ans dé léthargiou.
Drapéou victourious, flottou su l'univers,
Salut, (bis) té révésen après tan dé révers.

Accepten lou per hirétagé,
Nosté trioumphé es arriva,
Lei chéynou èroun nosté partagé,
Déjà leis entendian riva. (bis)
Bel estendar, fas dé miraclé
A pénou t'an vis un moumen,
T'an planta su lei mounamen
Sens esprouva lou mendré oubstaclé.
Drapéou victourious, flottou su l'univers,
Salut, (bis) té révésen après tan dé révers.

Digné arc en ciel dé nostou gloirou,
Électrises nostei guerrié,
Counduiras maï à la victoirou
Dé meissounayré dé loousié. (bis)
Lou Rhin, lou Danubé et lou Tibré
Couneissoun teis viéyou valours,
Saboun cé qu'an fa teis coulours
Quan guidavoun un poplé libré.
Drapéou victourious, flottou su l'univers,
Salut, (bis) té révésen après tan dé révers.

Fugissè din la Barbariou,
Partisans d'un règnou absoulut,
Counspira controu la patriou,
Ingrats, voou qué vosté salut.
La révolutioun qué s'es fachou
Nen poudè touti proufita;

Avè piei la témérita

Dé nourri d'espérançou lachou.
Drapéou victourious, flotou su l'univers,
Salut, (bis) té révésen, après tan de révers.

Répréné toun ren din l'armadou
Guerrié d'Arcolou et d'Austerli,
Bellounou n'en sara charmadou,
Avè proun resta din l'oubli; (bis)
Qué véguen su lei countourrolé,
Et la bravourou et lou talen,
Maï taou qu'à dé titré insoulen,
Deou passa qué per tour dé rolé.
Drapéou victourious, flotou su l'univers.
Salut, (bis) té révésen, après tan dé révers.

Aboulissen lei privilègé,
Seis abus èroun trop pésans.

Qu'instruigoun dédin lei coulègé
Lou noblé coumou l'artisan. (bis)
Trambla qué lou poplé s'irrité,
L'avien rédui presque eis abois;
Sachés distribua d'emplois
Ei vertus ainsi qu'ou mérité.
Drapéou victourious, flotou su l'univers,
Salut, (bis) té révésen, après tan dé révers.

Sé l'Estrangié nou ménaçavou
D'envahi nosté béou pays,
Garou sé lou fio coumençavou,
Prendrian exemplé à Paris. (bis)
Soutou l'estendar qué veuy briou,
En bon citouyen Prouvençaou,
Prouvayan oou proumier assaou
Qué sian digné dé la patriou.

Drapéou victourious, flottou su l'univers,
Salut, (bis) té révésen, après tant dé révers.

Flottou toujours su nostei testou,
Esfraï dé toutei lei tyran,
Lou ven, la foudrou, la tempestou,
Noun jamaï t'anéantiran. (bis)
Amis, juren dé lou desfendré,
Maï s'yan trahi per lou sort,
N'en fayan nosté drap dé mort,
Oouparavan qué de lou rendré.
Drapéou victourious, flottou su l'univers,
Salut, (bis) té révésen, après tan dé révers.

LEI TRÈS COULOURS ET LA MOUSTACHOU.

Air: De la moustache.

Lou poplé a récouqui sei dré,
La troumpettou à souna l'alarmou,
Déjà din touti leis endré,
Tout bon Francès repren lei armou;

Imitou lei fier Parisien,
Prouvençau, s'as pas l'amou lachou,
Portou coumou un bon citoyen (bis)
Lei tres coulours et la moustachou. (bis)

Bellou natioun dé guerrié,
L'on vous distinguou en dé taou signé.
Bourgs, artisans, ouvrié,
Dé lei pourta oui nen sia digné.
O moun pays! ségues counten,
Ta chéynou Paris l'a desfachou,
Graçou à dieou pourtaras long-tem, (bis)
Lei tres coulours et la moustachou. (bis)

Charlé, despiey qué sies parti,
Lei chants dévènoun maï fertilé;
Sies viey, soungou à té counverti,
Din la Françou ères inutilé.
Sian nascu per la liberta,
Voulen pus dé toun blan panachou,
Jusqu'à la mort voulen pourta (bis)
Lei tres coulours et la moustachou. (bis)

Fabricatour dé cop d'Etat
T'avien prédi toun horoscopou,
Ta chutou nouï ei Potentat,
Esbrandou lei trôné d'Europou.
Tei créaturou, vil tyran,
Per té desfendré èroun trop lachou.
Reprènè, bravé vétéran (bis)
Lei tres coulour et la moustachou. (bis)

Créy mé, Prussien, restou chez tu,
Tènè té pu léou su tei gardou.

Penden vingt ans t'aven battu,
Dé yeun la Françou té régardou;
S'avies lou fron dé révéni
Emé tei bandou dé ganachou,
Vyes sé sourrian sousténi (bis)
Lei tres coulours et la moustachou. (bis)

LA RESTOOURATIOUN DÉ JULLIÉ.

1830.

Air de la Colonne.
Salut, ô Coucardou estimadou,
Emblémé dé la liberta,
Dei bravé dé la vieyou armadou
Révyes la malou fierta. (bis)

Sooudar, vas fini tei souffrançou,
Dé joie verses pus ges dé plours;
La victoirou et lei tres coulours
Vènoun maï illustra la Françou. (bis)

A soun aspect lou despoutismé

A per toujours disparégu,
L'aveuglé et vexan fanatisme
A soun tour s'es encourégu. (bis)
Poudè perdré toutou espérançou
Trestayouns et Coupou-jarré,
Aven récouqui nosti dré,
Jamai troublarés pus la Françou. (bis)

Lei tres journadou mémourablou
Assuroun la prouspérta.
Forçou, unioun, sarés durablou,
Francès l'aven ben mérita. (bis)

Tout nous n'en dounou l'assurançou,
Sian sourti d'un fameux fumié,
Nosté Réy Philippou proumié
Es vengu restooura la Françou. (bis)

Respoundè, coupablé ministré,
Esprouva pas ges dé rémor,
Touti vosti coumplots sinistré
Sitôt nascu..... soun esta mor; (bis)
Mesprésavia lei rémounstrançou
D'aquelli qué yé vésien clar,
Chateaubrian, Royer-Collar
An prédi qué perdria la Françou. (bis)

Ennémi dé ta vraï patriou,
Espères pos ges dé révers,
Lon nouvéou hoourisoun qué briou
Ven d'esbranla tout l'univers, (bis)
Sé l'Estrangié plen d'arrougançou
Vénié troubla nosté bonhur,
Trouvayé, poou n'estré ségur,
Soun samentéry din la Françou. (bis)

POULIGNAC.

Air: Margaridou es ben poulidou, etc...

Poulnac,
Gnic gnac,
As proun fa dé mic mac,
Lou cor té faï tic tac,
Pagaras lou pot cassa.

Lou char doou libéralisme
T'ères di dé lou brisa,
Bourréou dé toun royalisme,
Es tu qué l'as estrassa.
Poulnac,
Gnic gnac,
As prou fa dé mic mac,
Lou cor té faï tic tac,
Pagaras lou pot cassa.

Nostou caousou èrou ségurou,
N'avian qu'à la coumença,

Counissian su ta figurou
Qué sayés léou ranversa.
Poulnac,
Gnic gnac,
As proun fa dé mic mac,
Lou cor té fai tic tac,
Pagaras lou pot cassa.

Té vaqui din la ratièrou,
Saras léou esplumassa,
Eis yeuch dé l'Europou entièrou
Nostei Pairs té van broussa.
Poulnac,
Gnic gnac,
As proun fa dé mic mac,
Lou cor té fai tic tac,
Pagaras lou pot cassa.

En cé qué vouyes prétendré,
D'avançou yas pas pensa;
Té sachères pa desfendré,
T'aguèroun léou enfounça.
Poulnac,
Gnic gnac,
As proun fa dé mic mac,
Lou cor té fai tic tac,
Pagaras lou pot cassa.

Lou jour dé teis Ourdounançou
Nou vouyés fayré chassa,
Paris, toun mestré dé dansou,
Té sachè fayré valsa.
Poulnac,
Gnic gnac,
As proun fa dé mic mac,
Lou cor té fai tic tac,
Pagaras lou pot cassa.

Faguèrés tira lou glèvou
Sensou té maï descooussa,
Maï lou poplé et leis élèvou
Per toujours t'an répoussa,
Poulnac,
Gnic gnac,
As proun fa dé mic mac,
Lou cor té fai tic tac,
Pagaras lou pot cassa.

Té fan fairé pénitençou
Coumou un hounesté foussa,
Perdras pa toun existençou
Maï tei béou jour soun passa.
Poulnac,
Gnic gnac,
As proun fa dé mic mac,
Lou cor té fai tic tac,
Pagaras lou pot cassa.

IMPROUNTU VO RÉMERCIAMEN A MOUSSU BLANC, DÉ MOOUSSANOU,

Oou sujet dé l'invitatioun qué m'avié fa d'assista à un banquet patriotiqué
lou 17 octobrè 1830.

Air: Pour aller venger ma patrie, etc...
Vostou invitatioun hounestou,
Cher Moussu Blan, m'a fa plesi,
Vourrieou mé rendu à vostou festou,
Per moun malhur n'ai pa lési;
Car senté qué m'es impoussible
Dé m'absenta d'aque moumen;
A vosté bon cor sieou sensiblè,
Récévè mei rémerciamen.

Quan trinquerés à Lafayettou,
Persuada leis assistan
Qué ma persounou es ben inquiettou
Dé nen pas poudé fairé ooutan.
Désiré d'unou ardour ben vivou
Yé prouva mei bon sentimen;
Lou manquou dé tem mé nen privou;
Récévè mei rémerciamen.

Disoun qué vosté bon villagé
Respirou un air dé liberta,
A la fin doou férigoulagé,
L'ourian cantadou émé fierta;
Espèré qu'un jour din Moussanou
Ourai aqueou contentamen;
Dé yé pensa moun cor tréstanou;
Récévè mei rémerciamen.

Din Tarascoun vostou présençou
Es régettadou deis ami.
Hélas! vesteis longuis absençou
Touti lei jour nous fan gémi,
Oui, cher Blanc, lou poudè créyré,
Vous lou déclaré franchamen;
En espèren dé vous léou véyré,
Récévè mei rémerciamen.

AVIS EIS PERTURBATOIR DEIS ENVIROUN.

Air: Vous savez bien, mon cher Francœur, etc...

Vourria doun maï véiré régna
Aqueou per quaou sia tan sensiblè,
Lou fouyé pa leissa esbigna ?
Senté qué veuy n'es pus poussiblè.

Abeissaran vosté caquet,
Per fes lou bou sens sé révengeou;
Voulen pus d'aqueou viey souquet,
Tan pis, s'aco vous ren mouquet.
Excusa s'aquo vous desrengeou. (bis)

S'avia founda tout vosté espoir
Su leis Estrangièrou cohortou,
Poudè yé diré un gran bon soir
Enfounsares pus ges dé portou.
Lou parti d'un vraï libéraou,
Quan trioumphou, jamaï sé vengeou,
Préchou qué lou ben généraou,
En res n'amou pas fayré maou;
Excusa, s'aco vous desrengeou. (bis)

Crèsè mé, cessa vosti trin,
Toutou la Françou es sous leis armou,
Veya lou pu béou jafarin
Sé crignan unou mendrou allarmou.
Soutou l'estendar tres coulour
Veuy toutou l'armadou sé rengeou;
Lou chifoun blanc émé sei flour,
Dé partisans n'avié pas lour;
Excusa s'aco vous desrengeou. (bis)

Parla jamaï qué dé tua,
Finires per vous coumproumettré;
Vosté réy, l'an destitua,
Parvendran ben à vous soumettré;
Lei léy an dé sévérita,
Régarda s'aco vous arrangeou,
Un jour vostou témérita
Oubtendra cé qu'à mérita;
Excusa s'aco vous desrengeou. (bis)

PHILIPPOU PROUMIÉ, VO LEI PARAOULOU MÉMOURABLOU.

Air: Pour aller venger sa patrie, etc...

Lou sceptré d'un laché despotou,
Paris l'a brisa din tres jour;
Perqué n'a pa para la botou,
Ailleur qué fixé soun séjour
Qué fugigué din l'Anglouterrou
Ya long-tem qué l'a mérita;
Nous fara jamaï pus la guerrou,
La Chartou es unou vérita. (bis)

Nostei dré n'an pus ren à crigné,
Pouden dourmi tranquillamen;
D'Orléan, dei Francès sies digné,
Ooussi counten su toun sermen;
Mérites nostou counfiançou,
Vieourren din la sécurita;
Voulen pus dé Santou Alliançou,
La Chartou es unou vérita. (bis)

Lou superbé trôné dé Françou,
O Philippou, t'èrou dégu,
As fa rénaïssé l'espérançou
Despiey l'instan qu'as parégu,
Pus ges dé crentou, pus d'allarmou;

Poplé soutou eou sies abrita,
Oou rasteyé pengeou teis armou;
La Chartou es unou vérita. (bis)

Princé chéri, Princé équitablé,
Sies arriva ben à prépaou;
Toun noum à jamaï respectablé
Assurou en Françou lou répaou.
Viren régna ta noblou raçou
Enjusqu'à la poustérita;
Sian ségur qué suivran tei traçou,
La Chartou es unou vérita. (bis)

Toun aspect chassou la discordou,
L'absolutismé es escarta.
Pax, unioun, gloirou, councordou,
Naïssoun émé la liberta.

Patriou, après tan dé traverçou,
Yé deourras ta prouspérita;
Veiren maï flouri lou coumerçou,
La Chartou es unou vérita. (bis)

L'éclat brian qué t'envirounou
Portou envégeou en touti lei Réy,
Respectoun toutei ta courounou,
Car toun règnou es aqueou dei léy.
Sé caouqué factious counspirou,
Puniren sa témérita.
Enfin la natioun respirou,
La Chartou es unou vérita. (bis)

LAFAYETTOU.

Air: Guide mes pas dans un lieu solitaire, etc...

Es trioumphan, lou guerrié dei doux moundé,
L'aven révis aqueou digné vieyar,
Qu'à soun aspect la hainou sé counfoundé,
Qu'un béou souléou remplacé lei brouyar.

Deis oupressours anouçou la défètou,
Lei vétérans an douna lou signaou;
Ralia-vous, fier Gardou natiounaou, (bis)
Pourta leis armou à Lafayettou. (ter)

Lou bel éclat doou drapéou tricolorou
Faï rajouini touti sei chévu blan,
Aqueou grand jour, per sa brianou ororou,
Ren la vigour à sei membré tramblan.
Su l'avéni soun amou es pus inquiettou,
Un Réy chéri coumpren sa noblou voix;
Sé pousséden nosté ancien Gaou Golois, (bis)
Lou déven oou grand Lafayettou. (ter)

Doou bon plési creignéguen pus la géynou,
Lei privilègé an fugi sen rétour,
Lei Parisien quan roumpien nosti chéynou

L'avien nouma soun proumié counductour.
Toujou davan, et jamaï en rétrètou,
Vouyé versa tou soun san din Paris.
Vivé pu léou, vivé per toun pays (bis)
Bravé et courageous Lafayettou. (ter)

Entounen maï lei chants patriotiqué,
Aven réprés nostei vieyou coulours,
Existou pus lou trôné despotiqué,
S'es embrisa din lou mes dei calours.
Pus dé chagrin, pus dé terrour secrètou,
La tyranniou à fugi per toujours,
O liberta, la Françou es toun séjour, (bis)
Et toun idolou es Lafayettou. (ter)

Bon citoyen, repren toun uniformou,
Fai respecta la patriou et tei dré,
Piey l'Estrangié émé sei massou énormou
Poou révéni, nou trouvara pa fré.
Lou toquou-san, vaqui nosté interprètou,
Oou proumié son sayen extermina,
Soun ben ségur dé sé pas rétourna; (bis)
Sé sian guida per Lafayettou. (ter)

FIN DOOU PRÉMIÉ VOULUMÉ.

© CIEL d'Oc – Janvié 2005